

東甌詩存卷四

永嘉會

唯近堂錄

宋

葉

適

字正則永嘉人淳熙戊戌廷對第二人歷吏部侍郎寶謨閣待制終寶文閣學士卒謚忠

定著有水心文集錄詩二十九首

馮公嶺

馮公此山民昔開此山居屈盤五十里陟降皆林廬公今去不存耕鑿自有餘風篁生谷隧雨旆來巖虛人隨

亂雲入咫尺聲相呼四時草木香異類菓蕨腴採薪得

水本拙志三十四
有送林孔英送
葉某任道贈後齋
仰者廢事寧時
送鮑家

公

適

會

唯近堂錄

崖花結綴成襟裾此亦佳窟宅可對幽人娛何必種桃
源始入仙者圖甌閩兩邦士洵洵日夜趨辛勤走芒屨
邂逅乘輪車山人老白首名氏不見書我獨何爲者拊
身念居諸

○王氏讀書堂

誰能採桑談誰能帶經鋤古人讀書地妙理出窮閭矧
今治華室山翠湧前除風烟聚景趣花竹成畫圖主人
烏紗帽子弟繡羅襦新裝蠶紙印上記開闢初展卷忽
有得欣如奏齊竽勉哉造其微勿逐皮毛粗

○自羅浮行田宿華嚴寺

浮山昔飛至與羅合其巔嚴冬樹色改青松耀紅鶻不
種自生植屬伐常蒼然我病不暇耕行復觀我田呼扶
偃蹇後倩護龍鍾先僮客四面集畦疇相勾連敢云歲
晏休翻犁趁晴暄民政今古殊憂樂豈異源收身卧荒
利朗月前夜圓鵲懶附枝靜聽饑嗅牀穿爲農悔不早
時發棹歌旋

○送呂子陽自永康攜所解老子訪余留未久其家
報以細民艱食急歸發廩賑之

收纓古蜜浦把袂生薑門九九書自註邀余綴篇端久
衰余學廢彌隱子道尊時維冬雷數雲雪常晝昏火把

東園詩存
起夜色丁鞵明齒痕小邦肥荈闕鰕蛤濫充盤椒橙失
滋味糝絮勞傾吞詰朝報家問剪書徵阿孫苦陳鄉人
饑采蕨啖其根倉封井花滿淘米安得渾覓翁如覓父
願假東飛翰念之不遑處喟焉整歸鞍我老澹百慮身
世兩莫存欲私一壠潤豈救大培乾西城柳搖搖北寺
江漫漫勿令嗟來死以慰行路難

○虎邱

虎邱之名歲二千虎邱之邱何眇然衆山爭高隱日月
笑此拳石埋平田雖然培塿疑異物劃開陰崖十丈懸
冢中有恨索遺指亭上無語傳枯禪偏是吳人愛山急
逐面分方誇戶立屋承隋唐良穩稱墨題熙豐尚新濕
松梢莫遣風雨橫石盤自添苔蘚澀春來春去吳人遊
足鬪層巔踣應泣

○題孫季蕃詩

子美太白常住世佳人栩栩夢魂通瀉落天河澆汝舌
移來不周盪汝胸千家錦機一手織萬古戰場兩峯直
孰南孰雅喚莫前虛簫浪管吹寒烟

○石經春秋一代奇寶王氏爲熙豐學廢不用瑞安

沈彬老蠟而有之後世孫體仁閣以皮焉余爲

名曰深明

東園詩存
三
喟昔洛門初上石未久翻遭禁書厄沈公秘藏百載餘
高閣突兀共堆積萬物散聚常橫陳汀花岸草從紛紜
海雲化雨龍正起想象向來悲獲麟

○送白鄴還蜀

翻翻文若秋江生幽幽詩如寒澗鳴前歲淹徊下巴峽
今年憔悴出京城憑問天邊五色羽何事飛來復飛去
昔人但苦樊籠悲豈知此日籠無處

○送曹器遠

曹子苦心懷百憂古人遠矣思同流平生未得雄豪力
今日便肯卑微休麻源洞裏瓊葉雨南草市上蘆花秋
十年老語爲誰了西望滄江空白頭

○偉叔蔡兄來永嘉屢辱投贈於其歸也輒奉俚歌
爲謝兼叙離索

慶歷故家忠惠後性酷喜文疎嗜酒飄風驟雨蛙蚓寂
草元獻頌龍蛇走古人道大何不容回空賜殖同升堂
若遇韓門親指畫豈有不在籍湜行水心可憐地如掌
讀罷君言一惆悵文星今直正莆中去覓掀天無底浪

○白紵詞

有美一人兮表獨處陟彼南山兮伐寒紵挑燈細緝抽
苦心冰花織成雪爲縷不憂絕技無人學只愁不堪嫁

時著鄭僑吳札今悠悠爭看買笑錦纏頭

○送王通判

左原冢孫產巴東山靈地秀兼長雄自小赤心天與通
可惜五十方治中北風吹沙暗中渡不合吹君落南去
水有子魚山荔枝借我箸食前籌之

○孔復君架樓貯書疎池累石花藥環列

老夫一編未得妙頗以書多爲世笑舊友從余不復求
樓藏萬卷猶嫌少書中之理甚周徧可惜有眼無時見
管葛褊陋空礙塞周孔深微常運轉樓東兼水更兼山
四時紅翠交飛翻付與兒孫好門戶光芒應射斗牛間

○永嘉端午行

行過橋東峙巖北大舫移家住無隙立瓶叵羅銀價踴
冰衫雪袴胭脂勒使君勸客親付標兩朋予奪懸分毫
起身齊看船勢側橈安不動濤頭高古來崢嶸水鬪勝負
湖邊常羸豈其數旡騰波沸相隨流回廟長謔謝神助
只今索莫何能爲敗鼓攪壕觀者稀千年風土去不返
醉裏寬讎空展轉

○月波樓

下林百菓春自花屋藏汀陰泉著沙光風膩雪誰愛惜
繁紅密翠空歆斜愛君樓高出江上百里江山開四向

東區詩石
峻屏森聳遠更寒紋練縈回靜猶浪孤潮夜卷西頭來
海門推出冰輪崔豈知星河遭映奪只使鸛雀常驚猜
此村風俗淳且魯接樹移花今復古勸君種學化兒孫
不須擁妓呈歌舞

○蜂兒榧歌

平林常榧啖俚蠻玉山之產升金盤其中一樹斷嵯立
石乳蔭根多歲寒形嫌蜂兒尙麤率味嫌蜂兒少標律
昔人取急欲高比今我細論翻下匹世間異物難並兼
百年不許羸栽添餘甘何爲滿地澀荔子正復漫天甜
浮雲變化嗟俯仰靈芝醴泉成獨往後來空向玉山求

○送蔡子重

憐子昔參江上僚前功如日鬢蕭蕭莫輕小縣深谷裏
續絲運軫琴方調薄冰未隨野梅結和風已催山杏發
庾文露巧衆術同一心之純天與通

○寄柳秘校

頓聳斗謝爲亮辟少吃善著揚雄書籬風索索苦瓠晚
山雨重重甘菊疎今人相輕多匿笑古人自許堪同調
咀芹嚼藻泮有宮先生手提終化龍

○趙振文在城北廂兩月無日不游馬塢作歌美之

馬塍東西花百里錦雲繡霧參差起長安大車喧廣陌
問以馬塍云未識醪醑縛籬金沙牆薜荔樓閣山茶房
高花何啻千金直著價不到宜深藏青鞋翩翩烏鶴袖
巖勞引首金蔣後隨園摘藥煎凍酥小分移牀獻春酒
陳通苗傳昔弄兵此地寂寞狐狸行聖人有道賁草木
我輩栽花樂太平知君已於茗水住盡日鶻聲搖上渚
無際滄波蓼自分有情碧落鷗偏聚追逐風光天漫許
拋擲身世人應怒君不見南宮載寶回何如趙子穿花
去

送盧簡夫

坐對蜂兒還想象

題五畏齋

曹滕亦據南面權坐衙吏貼羣趨先敢云威福自我出
下有赤子高蒼天聖人迭興建皇極付祝長官尤惻惻
前碑特立示銘誠後榜七條垂訓釋冰清王令來調琴
四事未畏先畏心常將方寸勤管攝不與外物相虧侵
情防驕麤意防滿萬事須要畏爲本君不見匹夫膽大
氣如山風浪只在須臾間

露星亭

斗杓點翠爲此城四郊環拱來遙青知君欲覽衆山小

取塲磨就天上亭身心合於高處著萬象不語森湊泊
古今日色遞淺深志士可惜虛光陰

○虎長老修雙峰

九州大麓標山經蚤與天地同垂名雁蕩初傳晚唐世
掩抑衆嶽夸神靈豈非龍伯所播遷海水枯竭久乃成
窮搜石怪呈萬巧宛取物似羅千形陰湫陽嶺何恍惚
紫光碧燄長磨縈夜隨王喬玉簫發曉答詎那金磬清
聞者未到意已傾往往夢想驅風霆山僧猶嫌憇寂寞
便房曲檻頻招迎強扶墜閣接雲漢却補壞壁回丹青
來車去馬謾孔總亭主自住誰爲惜

子昔葦間從我遊未曾一詩相報酬文杏將非廟廊具
澗蘋況是王公羞子今欲往西湖上靈雨綵雲供筆仗
深思直道佐明君蟄雷震空天下聞

○西山

對面吳橋港西山第一家有林皆橘樹無水不荷花竹
下晴垂釣松間雨試茶更瞻東掛綵空翠雜朝霞

○贈杜幼高

杜子五兄弟詞林俱上頭規模古樂府接續後春秋奇
嘯令誰賞羈棲浪自愁故園如鏡水日日抱春流

○贈盧次夔

東園詩存
家住東郊深能詩人共尋水梭間道錦玉軫斷文琴城
漏宵添滴牕花晝減陰新涼白頭句清甚費悲吟

○送潘德久

每攜瘦竹身長隱忽引文藤令頗嚴聞道將軍如卻縠
不防幕府有陶潛江當濶處水新漲春到極頭花倍添
未有羽書吟自好全提白下入詩奩

○賀縣尉

端麗還有北人風大雅元非楚士同此日深探應徹底
他時直上定摩空離家杳杳百灘外過我昏昏三伏中
籬破屋荒無路入荷花招手席門東

○送林子高

老我追隨亦賸人研軒標格久成塵意先遠水常趨海
節與修篁自作筠諫苑舊知欣有信漆坊新隱嘆無鄰
梅花應待行時發野岸山房探得春

○題劉潛夫詩什併以將行

寄來南嶽第三藁穿盡遺珠簇盡花幾度驚教祝融泣
一齊傳與尉陀誇龍鳴自滿空中韻鳳唳都無巧後哇
庾信不留何遜往評君應得當行家

○鋤荒

鋤荒培薄寺東隈一種風光百樣栽誰妬眼中無俗物

前花開徧後花開

○潛經閣

當日先生住一軒手抄六籍自忘言至今遺墨如新寫
付與樓居四世孫

○下仙看梅二首

背人遠住奚師塢何意追尋特特來更要明年此時節
溪翁相喚不相猜

隨山的的五千樹慚愧識花人姓施說似龍形都不肯
昨朝新見水沉枝

○贈通川詩僧肇書記

海濶淮深萬里通吟情浩蕩逐春風却尋斗水龍湫住
裁剪雲烟字字工

○渡浙江

晚霞銷盡月明鈎萬頃無風一水浮長怕舟師深繫楫
自令洄洑起中流

○建會昌橋

十里滄浪絕岸遙幽人行處有誰招幸無車馬妨來往
買斷寒蔬取意挑

○小句送陳粹甫知錄

蕩裏舟輕沙外沙夾溪蒼蘆正催花南風借與迎親便

未到家時已到家

○送衢州府園

破疑庵裡押衙石塵外堂中急就章猶有春風爲披拂
看人歌舞過殘陽

王自中

字道甫平陽人登淳熙戊戌第出知信州守存詩一首

○迂楊誠齋

叢談王道甫守信州楊誠齋以江東使者行部頗有意督過之道甫迂以詩云

云全效誠齋詩體公一見大喜

江東使者行部歸信帆一隻槩四枝昨夜水深泥三尺
繫在誰家屋外籬我欲遣人問消息箇樣船多人不識
却有一事差可徵隔船聽得哦詩聲

陳

武字蕃叟傳良族弟淳熙戊戌進士右文殿修撰出知泉州守存詩一首

○噴玉磯

朝借仙巖遊暮借仙巖宿一泝流不窮長年看不足

周

緒字習夫去非弟淳熙戊戌進士慈利簿存詩一首

○書事

北客樂馳驅髀肉渾不生輕風入馬蹄一瞬萬里平朝
發長安都暮抵受降城陰山聞鬼哭征人晝夜行黃塵
雖染衣紫翠堪奪晴男兒平生遊壯志多屢驚荆楚豈
不佳舟楫非吾情休誇魚稻鄉莫戀烟波清幸能脫毛

錐側聽匣中鳴

戴

溪

字少望永嘉人淳熙戊戌進士官至
端明殿學士卒謚文端存詩一首

○送王木叔黃州教職

龍飛乙科郎白面如琢玉去作幕下士年少二十六壯
心直如弦不耐公事曲寧知太守尊筆吏警羣目太守
豈不賢去郡秉鈞軸銓曹有格法那肯煩薦牘依然舊
官職再傍天之麓六考未作縣冷官到淮服向來豪氣
舉酒斟能半斛只今長說病伏飲在胸腹皇皇一世憂
隱隱兩眉蹙中年苦節省未必不爲福我生更迂濶立
意要違俗誤使塵網嬰同君被纏束兩家各生子丁壬
合天祿但得佳兒歸兩翁志願足岷山有舊約相從結
茅屋明朝江上館持被共君宿

孫元卿

字官至國子監監丞存詩一首
樂清人淳熙辛丑進士

○與錢孝先遊洞霄

元冥相我作山行捲却重陰放曉晴但見峯巒互扇鎖
不知宮闕隱崢嶸雲根洞穴篝燈入井底波瀾撫掌生
喚客入山還送客淙琤猶有石泉聲

吳

通

字宜中平陽人淳熙戊戌
進士官德安令存詩一首

○煉丹臺

我尋陶隱居山中多古蹟青障撫清泉白雲抱蒼壁入
經卒玉喬更是幽人宅山人昔煉丹薜蘿曾一卷百府标

直千尋

下爲百丈澗

凌空高百尺兩水落滄洲滔滔渺無極

拂石坐片時萬籟俱寥寂但聽松風聲耳邊生淅淅長嘯白雲飛山雨催詩亟詩成寄阿誰賞識惟貞白

陳

峴

字壽南平陽人淳熙間登博學宏詞科官至兵部侍郎卒贈太保存詩五首

○飲翁常之宅分韻得友字

杖履隨春風邂逅得良友行行西城道觸目盡花柳還步過茅茨交歡亦何有東鄰頗好事邀我意良厚南窓竹風涼更命新醅酒一醉何足辭期此百年久

○宿董山寺

送客聯鑣歸得得召是宿免度倉工口路入青山曲突兀忽在眼一洗奔馳俗燃燈遽呼酒僧留供野蔌林高上明月談聲響空谷坐久夜益深同來或歛熟明朝返城廓此興真可錄

○雨中偶成

雨聲春不絕綠漲與池平久摘花猶好新鋤草又生閉門惟我獨終日斷人行對酒還憂病裁詩強遣情

○舟次鄂州

蜀江來滾滾楚望意悠悠浩氣高清曉新寒帶晚秋關山方北顧烟火又南樓蓬髻天涯客蕭然一葉舟

○依綠亭

東園詩存
修林平治久荒埃招領春風一笑回淨掃莓苔分徑岸
賸添桃李結亭臺

梅元春

字春叟號雷村鈞隱
爵里無攷存詩四首

悼馮壽巖

吟魂招不返把酒醉西風萬水千山外百年一夢中苔
深漁磧冷松老鶴巢空回首南安路秋聲咽斷鴻

雪夜書陳素齋壁

天地不知夜皚皚四壁空三登欣有識萬化豈無功小
篆消金鴨殘缸凍玉甃爲憐詩思苦如在灞橋東

賀趙荷畔別墅落成

主人原不俗卜築水雲灣地敞因刪竹簷虛合受山吟
聲來鶴舞心事共鷗閒城市紛紛客登臨必改顏

夢回

沉沉院落釀春寒銷盡爐烟刻漏殘一枕夢醒風味別
海棠和月在闌干

王

字野渡爵里無
攷存詩五首

次黃日巖韻

孤舟閑野渡竹外小橋通不涉終南逕獨高彭澤風雲
閑鐘梵裡月靜笑談中千載留清節誰云吾道窮

次韻答陳石泉

東園詩存
三
炎氣漲空碧散作藕花秋幽趣蘭爲佩浮生芥作舟可
人從遠別何日許重遊奩玉清無底樓居第幾州

○晚憇石門洞

巖棹石門外天風吹夕陰疎鐘醒客夢危瀑洗塵襟龍
去洞雲薄鶴歸松露深舊碑看米字猶帶蘚痕侵

○次愚谷雪韻

梢桠爐頭夜未闌冰壺全覺漏聲乾前山草木疑長白
下界樓臺盡廣寒騷客忽驚梅片落老農先作稻花看
何當一奏平淮頌坐使皇圖九鼎安

○春日郊行次平楚韻

楚澤淒涼吟屈原行吟如在浣花川風迴別墅聞桐角
烟冷荒郊掛紙錢楚麥正香田舍樂茅柴初熟酒家連
錦囊收拾歸來晚踏月閑敲欵段鞭

趙克非

字志仁瑞安人號河
畔老漁存詩十四首

○冷泉亭

飛來峯下立憔悴客中身試掬欄邊水來澣衣上塵松
聲八九里佛地幾千春便擬西湖住看山老釣綸

○除夜

鄰家爭守歲靜坐獨忘眠寒漏逾三水春風又一年冰
霜詩鬢上兒女酒杯前人事今宵畢看山棹小船

○上塚

步入巾峯去冥濛一逕深重泉千古恨寸草百年心花
發空林色嵐生古壁陰徘徊歸向夜薄露濕衣襟

○夜歸

古木已棲鴉歸心逐暮霞雲山千萬疊燈火兩三家問
路從田叟看湖立岸沙前宵茅店月依舊照梅花

○秋夜寄李介甫

月生初破睡起坐對蛩聲不入中年境誰知此夜情螢
光烟際沒河影斗間明想爾華峯頂孤吟思倍清

○雪

凍雨舞珊珊寒光解酒顏飛花難辨樹種玉已成山屋
矮看疑壓門清卧不關曉來還指點一似畫圖間

○採薇逕

極目蒼厓路蕭蕭萬木秋天空初有雁水淺不勝舟世
界閑人少文章知己投採薇千古意長嘯碧雲幽

○山中

曉起全無事推窓瘦竹前雪晴禽出谷炊罷竈無烟斷
地尋山葍過雲問石泉偶因樵父至話到爛柯仙

○習靜

習靜一無營林居絕類曾明疏秋發卷兒病夜留燈白

東國詩存
世
髮生應徧黃花采未能空悲對搖落詩思入雲層

○秋夜步登月井

洒空涼雨荳花明幽趣相關睡不成遠浦無風秋一片
疎林有月夜三更燈懸佛地僧初定路繞村籬犬獨鳴
不料鄰翁眠正熟歸來却訝打門驚

○送黃簿

崇寧政和間平邑黃友嘗主瑞安簿

寒廳幽草上堦輝有約行春夢已非峴水風光吟裏別
秦溪花木望中稀孤帆載月潮初落一路看山雪正飛
爲報圓盟舊鷗鳥淡烟衰草思依依

○秋晚

露滿平蕪月滿塘水光搖碧夜鳴榔垂楊已瘦芙蓉老
秋在蘆汀雁影旁

○古祠

古木荒榛路已迷陰風吹水子規啼行雲行雨無消息
翠斂前峯日又西

○書趙荷畔壁

枯松倒影數拳石疎竹浮香一掬泉分付客來輕扣戶
落花深處有鷗眠

○林元卿

字廷輔平陽人亮功孫任南安知州存詩一首

○客窓夜雨

萬里辭家春復秋，異鄉何日夢刀頭。
業如獻豕從渠笑，藝學屠龍只自羞。
香盡一爐聞夜雨，燈殘半壁數更籌。
斷腸不奈梧桐上，滴碎鄉心點點愁。

潘

遜字伯言號草窓永嘉人存詩十七首

○送人歸姑蘇

山驛歲云暮，梅邊忽送君。
嚴寒一騎遠，殘角五更聞。
鄉夢虎邱月，詩情雁蕩雲。
何時重會面，尊酒共論文。

○懷曹丹邱

別來春樹綠，疑望獨關情。
陶令重歸社，龐公不入城。
井寒丹氣在，洞窈石雲生。
何日平湖上，白鷗尋舊盟。

○元夜

金吾猶有禁，江國正蕭然。
燈火自元夜，情懷非昔年。
小樓歌欲斷，古戍月初圓。
休問傳柑事，牽愁到酒邊。

○栢山道中

綠遍沿溪樹，殊鄉春又闌。
峯回疑有路，水漲欲無灘。
靜聽禽聲樂，閒同鷗影寒。
明朝石門洞，瀑布共誰看。

○客懷

地僻草迷岸，竹深人啓扉。
客懷因雨惡，鄉夢逐書歸。
波近鷗常狎，風高雁欲飛。
餘寒猶未去，尚復戀春衣。

○山村秋夜

東國詩存
村深莎草露夾岸蓼花風犬吠白雲外人歸明月中寒
聲添蟋蟀秋影滅梧桐隔浦砧聲切星河落曉空

○赤壁

高歌臨赤壁樽酒對誰開橫槩人何在吹簫客未來月
寒烏遶急風靜鶴飛回無限江山好蘆花舊釣隈

○宿山庵

趣寂千峯晚神清一味茶幽人敲竹戶明月在梅花確
靜泉聲緩塔高林影斜此中非捷徑聊可老生涯

○秋日會陳素齋

與世忘機久相親祇白鷗所居環一水爲客又三秋籬

老黃花瘦江寒紅葉流數聲悲靜夜雁度驛邊樓

○春日郊行

晴空半出白雲岑載酒花邊傍夕陰楊柳未鶯春尚淺
菰蒲有鷺水初深擬窮異景思移棹爲寫閒情欲寄琴
自笑不知農圃事浮生贏得二毛侵

○翁秀峯新居

小小柴門短短籬故人受用儘相宜關情巷陌多新景
遶舍江山似舊時窻竹叢疎連籜徙庭梅樹老帶花移
春風燕子來相賀對語高梁若故知

○水漲

東園詩存
溪深白鳥飛柳濕元蟬語水漲失漁磯持竿且歸去

○采石

一望澄江接漢源柳青蘋綠幾黃昏舟人指點波心月
莫是當年逐客魂

○楊妃圖

芙蓉帳暖日華高雲鬢微偏酒未消曉起一團紅玉軟
三郎錯認海棠嬌

○沈埠維舟

野樹春深紅照水新秧雨後綠勻田斷烟隔岸梧桐角
人立東風待渡船

○白溪舟中

風約殘紅暖未晴崇朝厭聽打篷聲白頭野老磯頭坐
釣得溪魚不識名

道中

蹇驢溪上鬢垂垂雲壓危橋竹映扉二十四峯渾似畫
梅邊自棹小舟歸

曹叔遠

字器遠瑞安人紹熙庚戌進士官
徽猷閣待制卒謚文肅存詩一首

○通元洞

遨遊倦聽水聲潺卻愛靈巖引憇間樹擁倒暉穿嶂曲
風牽斜雨灑藤彎半袈裟裡須彌現隙滹阿中法界寬

東園詩存
為納千僧渾不見欲於此地扣禪關

戴

蒙

字養伯永嘉人紹熙庚戌進士麗水尉棄官從朱晦菴游號合溪存詩二首

○合溪水閣

攬勝移樽一笑同塵襟那得酒消融平看飛鳥過林外
細數遊魚落沼中盡日清光都是竹滿懷涼思不因風
獨慚登眺今頭白人自無言水自東

○暮春偶成

家住柘溪欲盡頭茂林修竹不勝幽菰蒲漲綠蛙專夜
榆葉吹寒麥半秋修禱從教非節物舞雩元自有風流
明朝酒醒春猶在更向長潭棹小舟

薛師石

字景石永嘉人著瓜廬集存詩九首

○大龍湫

昔聞天下士衡嶽稱神邱又聞天下水江漢為巨流古
有山海經歷歷叙九州李唐三百載詩書無一留及觀
酈道元此地亦不收不知諾詎那何事能窮搜我來元
妙境萬丈懸清湫石壁去無極百里彌道周雲氣冒羣
岫龍宮深以幽輕輿崖壑底竟日涉溪遊陰晴異瞻矚
遠近難搜樓飄如飛素練粲若散琳瑯風掀一潭雨佛
坐四時秋喧呼勢益驟洶湧聲彌道變化有如此溥博
誰與儔吾謂神龍力豈繫人鬼謀稽首荷元造久坐勞

東園詩存
戴蒙

雙眸一杯卻嵐暑旋步轟雷稠以茲澹世慮歛起杞人
憂何當騎天狼滿弓謝斗牛

○漁父詞二首

鄰家船上小姑兒相問如何是別離雙墜髻一彎眉愛
看紅鱗比目魚

春融水暖百花開獨棹扁舟過釣臺鷗與鷺莫相猜不
是逃名不肯來

○瓜廬

近日有深趣買得薛能園疎壤延瓜蔓深鋤去草根花
前長載酒月下只開門最識田家樂辛勤更不言

○宿瞿溪

船泊西溪岸人家晚更春霜汀寒有雁野寺夜無鐘竹
逕通新店茅齋息病容農夫不相識問我欲何從

○寄郭子奇

世道祇如此君心我得知先教栽菊在預作去官期夢
覺秋風起行吟夜月遲懷人幾千載忻有扣門時

○送葉宰赴豐城

君往爲官處江西寇已平獄閑空劍氣堂靜響琴聲有
法催常稅無私得衆情時方急賢路名定達公卿

○哭徐致中

亡友如今隔杳冥夢中只見病時形書窓閉久門漆潤
花逕荒來草自青一卷詩篇空就緒兩年文會覺凋零
幾回行過松臺下不忍登堂不扣扃

○題南塘薛圃

門對南塘水亂流竹根橋柢自成洲中間老子隱名姓
只聽漁歌今白頭

趙汝鐸

字鳴道永嘉人存詩一首

○水心新居

開扉待嘉客沽酒解閒愁半夜秋霖歇滿堂寒水流風
聲生葉底月色在沙頭憶着鱸魚美松江有舊遊

朱

黼字文昭平陽人存詩一首

○挽陳有功

生平不肯負所學高節清風自凜如逆孺殿巖辭特薦
暱交戚畹絕私書不矜虜館穿正鵠甘向蠻溪佩左魚
沉芷澧蘭香滿路萬人慟哭護靈輿

陳唐佐

字堯臣平陽人淳熙甲辰武進士官禮部郎中存詩一首

○鐵甕洞

雲端象鼻通一甕自冲融豈是乾坤小當知造化工靈
泉猿不飲丹氣鶴常充仙子乘鸞去何年返故宮

錢

宏

字文子樂清人紹熙壬子兩優釋褐官至宗正少卿號白香

○望吳亭次黃二尹韻

東望長安山復山，數峯還出兩峯間。
攬衣來卽三年戍，引客偷爲一日閒。
身似暮雲低更好，心如歸鳥倦知還。
聖朝倘得收遺物，歎息搔頭鬢已斑。

○白石巖

巖下碧藤掛紫烟，巖頭白石插青天。
精靈屹作鄉邦鎮，一劔霜寒二百年。

林

升字夢屏平陽人存詩一首

○題臨安邸

山外青山樓外樓，西湖歌舞幾時休。
暖風薰得遊人醉，直把杭州作汴州。

直把杭州作汴州

吳

禮字宜本通弟存詩一首

○聽松樓落成

仙人自昔好樓居，黃鶴而今成故墟。
高架數椽懸碧落，歛聽萬樹响空除。
白雲伴向松窓宿，翠蚪摩將石壁書。
長日怡然還自得，却疑有夢到華胥。

戴

仔字元子蒙子存詩三首

○答友人二首

著書非爲進歲久，漫成編道遇言非。
贅身幽志自堅種，瓜新學圃菘稻晚。
知田吾事未多闕，衣裾莫浪褰。

說經蠡測海且欲付家藏難爲越言雪徒令鬢似霜荷
君心見許顧我道非長若肯嬪王內當爲時世裝

○偶成

尚想夷與齊求仁無怨嘖誰傳采薇音荒哉太史筆

陳簡軒

永嘉人名字無
攷存詩二首

○清虛堂

閉門瀟灑入窗明一洗浮生夢幻情夜月靜移花下影
曉風輕度竹間聲天空寥廓人孤坐地聳高寒鶴不驚
滿眼青山雲散盡恍疑身世在蓬瀛

醉芙蓉

瑤姬秋宴集蓬壺酒暈微微上雪酥笑倚西風渾不定
因臨流水欲相扶綠雲香減霜初冷紅玉痕消日又晡
妝鏡明朝見真色不知猶帶宿醒無

鄭鼎夫

號春谷永嘉
人有詩二首

山房

冉冉雲生石柴扉半掩深餘春歸草意積雪負葵心老
去忽自笑興來時獨斟閑中叅物理何處一蟬吟

○張子房

功成便越赤松遊未必神仙事可求想得當時重借箸
爲君謀了爲身謀

林□□

公詩見湖州郡治墨妙亭續置石刻已泐
數字名亦亡僅存永嘉林三字錄以俟考

○修史大著吏部陳君持節□□□舍賦詩□餞不

揆荒拙率發一粲

天頌一札語丁寧光動郎官駕使星賴有斯文增氣燄
可無吾道活生靈馳驅漫說周原隰登轡先須辨渭涇
珍重□章臨遣意不徒鹽莢與茶經

東甌詩存卷四終

東甌詩存卷五

永嘉會 唯近堂錄

宋

徐

照字道暉一字靈暉永嘉人自號山民著有
蘭房軒詩集四靈之一錄詩五十五首

○自君之出矣

二首

自君之出矣心覓遠相隨拆破唐人絹經經是雙絲

自君之出矣玉琴生塵垢蓮子種成荷曷時可成藕

自君之出矣懶粧眉黛濃愁心如屋漏點點不移蹤

○春日曲

有宿翁霜舒山
在煙飲上人石門
庵世詩 疾辭

中婦掃蠶蟻挈籃桑葉間小姑摘新茶日斜下前山

○莫愁曲

莫愁石城住今來無莫愁只重石城水曾泛莫愁舟

○古怨曲

易得君知音難得君知心縱然恩意短寧使語言深渴
飲貪泉水倦息惡木陰儻涉不美名曷可銷煩襟

○妾薄命

初與君相知便欲肺腸傾只擬君肺腸與妾相似生徘徊
幾言笑始悟非真情妾情不可收悔思淚盈盈

○促促詞

促促復促促東家歡欲歌西家悲欲哭丈夫力耕長忍
飢老婦勤織長無衣東家鋪君不出戶父爲節級兒抄
簿一年兩度請官衣每月請米一石五小兒作軍送文
字一旬一輪怨辛苦

○征婦思

年半爲郎婦郎去戍采石又云戍濠梁不得真消息半
年無信歸獨自守羅幃西風吹妾寒倩誰寄郎衣姑老
子在腹憶郎損心目願郎征戰早有功生子有蔭姑有
封

○青鳩詞

勞勞復勞勞生人半行客今人行古道古道有行役相逢莫等閒相離易踈隔殷勤紅杏花徹骨對芳席明年花開人東西青鳩食花舊處啼

○柳葉詞

嫩葉吹風不自持淺黃微綠映清池玉人未識分離恨折向堂前學畫眉

○越魚吟

越魚生水中專食水上禽禽又安知魚魚自生機心越魚早來人釣得人却放之反不食

○分題得漁村晚照

漁師得魚繞溪賣小船橫繫柴門外出門老嫗喚雞犬收斂簑衣屋頭曬賣魚得酒又得錢歸來醉倒地上眠小兒啾啾問煮米白鷗飛去蘆花烟

○途中

隻影微陽外青山自鬱盤未經千里遠欲寄一書難堦碣苔侵字魚塘水過欄西風吹樹葉不問客衣單

○送翁之赴闕

我亦清湘去何年可會君貧惟詩送別愁覺酒難醺郊祀隨天仗臺占識瑞雲定知分美郡音問欲相聞

○題信州祥符寺

水溪清絕地誰擬此身來寺古逢僧老山高見水回巖
菲寒未拆風靄薄難開塔下看碑石因尋跨鶴臺

○題江心寺

兩寺今爲一僧多外國人流來天際水截斷世間塵鴉
宿腥林徑龍歸損塔輪却疑成片石坐對謝公身

○題羅隱故居

片水靜無塵青山是四鄰上天如有意此地着詩人吟
得物俱盡罰令生世貧因來尋古跡只見石爲麟

○題桃花夫人廟

一樹桃花發桃花卽是君空祠臨野水何處覓行雲事

迹樵人說爐香過客焚雨添碑上蘚難讀古詩文

○送李偉歸黃山

心知無白髮長帶一琴行幾路到君屋數峯當郡城妻
兒貧自樂丹藥歲燒成未必聖明代終令隱姓名

○贈九華李丹士

長記零陵郡共看江上峯一生輕世事幾處認仙蹤轉
式驅雷電封泥伏虎龍三千三百里今日又相逢

○衰柳

風吹無一葉不復翠成窠枝脆經霜氣根空入水波寒
栖江鷺早暗出野螢多廢苑荒堤外人嗟舊迹過

鷺鷥

一點白如雪頂黏絲數莖沙邊行有迹空外過無聲高柳巢方穩危灘立不驚每看閑意思漁父是前生

○登歙山寺

石徑半欹傾山頭路始平步因花樹息吟忘寺僧迎一
面門無水東隅路入京青峯三十六霜曉見分明

○山中卽事

著屐上崔嵬呼兒注瓦杯千岑經雨後一雁帶秋來野
艇乘湖發山園逐主開餘生落樵牧門巷少塵埃

○題道上人房老梅

香有竹風知無塵雜野姿爲憐新白髮重記舊題詩
帶龍鱗剝蜂沾蠹屑垂不來三十載半樹是孫枝

○石門瀑布

一派從天下曾經李白看千年流不盡六月地長寒灑
木跳微沫衝崖作怒湍人言深碧處常有老龍盤

○題衢州石壁寺

岸石橫生脈平林一里溪衆船寒渡集高寺遠山齊
磬吹風斷眠禽壓竹低自嫌昏黑至難認壁間題

○漁家

阿翁年紀老生計在綸絲野水無人占扁舟逐處移數

鱗新柳串一笛小兒吹有酒全家醉公卿要識誰

○ 過鄱陽湖

港中分十字蜀廣亦通連四望疑無地孤舟若在天龍
尊收巨浪鷗小沒蒼烟未渡皆驚畏吾今已帖然

○ 題浯溪

知是漫郎宅舟中聞寺鐘小溪通正港高石壓羣峯綠
木成春陰荒臺見古蹤唐碑三十本獨免野苔封

○ 光武廟

帳閉爐烟聚山龍帝者衣真人原有道社鬼忽無威畫
剝金猶在碑平字半非鼓鳴邨犬吠祭罷數翁歸

○ 送翁靈舒遊邊

孤劍色磨青深謀閉鬼靈離山春值雪憂國夜觀星奏
凱邊人悅翻營戰地腥期君歸幕下何石可書銘

○ 貧居

旣與世不合當令人事疏引泉魚走石掃徑葉平蔬誰
念交情淺難知識面初榮途多寵辱未敢怨貧居

○ 移家雁池

不向山中住城中住此身家貧兒廢學寺近佛爲鄰雪
長官河水鴻驚釣渚春夜來遊嶽夢重見日東人

○ 懷趙紫芝

一別一百日無書直至今幾回成夜夢獨自廢秋吟小
雪衣猶綵荒年米似金知音人亦有誰若爾知心

白石巖

一石入遙天千峯疊在前人行不到處仙去未多年竇
暗雲生像簷斜日照泉皇朝宣賜物弟子尚能傳

題薛景石瓜廬

何地有瓜廬平湖四畝餘自鋤畦上草不放手
中書人遠來求字童閑去釣魚山民山上住却羨水邊居

題翁卷山居二首

十年前有約今却在城居羨爾能攜子深山自結廬引

泉移岸石栽藥就園蔬見說高林外樵人聽讀書

空山無一人君此寄閑身上花來遠風中葉動頻蟲
行黏壁字茶煑落巢薪若有高人至何妨不裹巾

和翁靈舒冬日書事三首

石縫歛冰水凌寒自煑茶梅遲思閨月楓遠誤春花貧
喜苗新長吟憐鬢已華城中尋小屋歲晚欲移家

秀句出寒餓從人笑我清步溪波逐影吟竹鳥鷹聲酒
裏安天運春邊見物情耕桑猶罄橐何事可營生

十日南山雪今朝又北風燒衝巖石斷梅影野堂空難
語傷時事無成愧老翁一生吟思味蜀喜與君同

東園詩不
題丁少瞻林園

州分低嶺外來向此園行路改初栽樹堂成未有名藥
苗如草長巖溜入池清欲識懷君意時聞鶴一鳴

○永州寄翁靈舒

古郡百蠻邊蒼梧九點烟去家疑萬里歸計在明年風
順眠聽角樓高望見船筠州當半道長得秀詩篇

○贈徐璣

一舸寒江上梅花共別離不來相逆處愁有獨歸時去
夢千峯遠爲官三歲期思君何可得新集見君詩

○題李商叟半村壁

一徑蒼苔合連年不出門風高松有韻溪滿石無痕不
自知名重令人覺道尊更憂微詔至移室向深村

○題鮑使君林園

水波一帶隔秋城不許紅塵接地生濃露染成紅蓼色
野風添作小松聲客來喜自開樓鎖病去逢人話藥名
閑意却多官意懶旁人傳說似淵明

○會飲鮑使君池亭

案上一琴書數卷不須此處有笙歌厭居城市觀天小
喜到君家見月多葉滿地飛隨步履鶴於人熟聽吟哦
明朝也向山中去手把松枝養太和

宿翁卷書齋

一山秋色同誰看
又復相尋出郭來
隣竹種成高礙月
井泉汲水近生苔
忽驚寒事砧初動
不辨晴光戶盡開
君愛苦吟吾喜聽
世人誰肯重清才

○ 酬贈徐幾

每到齋門敲始應
池禽雙戲動清波
愛閑却道無官好
住僻如嫌有客多
字學晉碑終日寫
詩成唐體要人磨
山民百事今全懶
祇合烟江着短莎

○ 題趙運管吟篷

飛塵難到碧波中
波上烟雲盡不同
吟斷不知驚鷺起

汀花一半在船篷

○ 舟上

小船停槩逐潮還
四五人家住一灣
貪看曉光侵月色
不知雲氣失前山

○ 杜甫墳

墳在湖廣衡州府來陽縣相傳杜甫宿江上酒家一夕水暴漲漂沒無踪玄宗詔求甫來陽聶令壘土葬之報以因醉酒死

來陽知縣非知已
救厄無蹤豈忍聞
若更聲名可埋沒
行人定不弔空墳

○ 寄家書作

屋頭桑葉大如錢
知是吳蠶第一眠
遠水忽來瀟岸沒

家書却寄道州船

徐

字致中一字靈淵永嘉人官長泰令著有山泉集二徽亭詩稿四靈之一錄詩七十首

九月初四日分得然字

去載羈旅身千里望羣賢今夕良燕會况乃佳節前涼
風日已多歲序日已遷春時種叢菊秋時滿籬邊採之
不盈把泛彼清清泉行樂不易得貧賤焉可捐惟當從
爾游吟哦思陶然

○訪梅

訪梅行近郊寒氣初淅瀝欲開未開時三點兩點白清
枝何蕭疎幽香况岑寂頗知天姿殊絕似人有德逢君

天一方歡然舊相識

○迷夢寄趙靈秀

江水何滔滔渡江相別離揖子家舍前對子衣披披問
子何所為旅舍未得歸執手一悲歎驚覺妻與兒起坐
不得省清風在簾帷平明出南門將以語所知過子舊
家處寒花出疎籬蕭蕭黃葉多裊裊歸步遲子去不早
還何以慰我思

○投楊誠齋

名高身又貴自住小村深清得門如水貧惟帶有金養
生非藥餌常語是規箴四海為儒者相逢問信音

中家抄志二十の
有送戴子詩
不齊

○江亭臨眺

問得梅花信寒林動晚聲雨來山漸遠潮去水還清寥
落尋新句歡娛解宿醒相攜歸路滑燈火近孤城

○同友人登翠麓亭

緩行循翠麓凝睇俯清灣舟楫蘆花外江山夕照間天
寒雖日短歲晚亦身閑高樹梅初發與君相共攀

○中川別舍弟

中川人語別南國夜何其江迥風來急山低月落暝
從前浦遠角在古城吹五畝耕鋤地何當手共犁

○冬日書懷

門庭黃葉滿園樹盡玲瓏寒水終朝碧霜天向晚紅蔬
餐如野寺茅舍近溪翁非是分囂寂由來趣不同

○黃碧

黃碧平沙岸陂塘柳色春水清知酒好山瘦識民貧雞
犬田家靜桑麻歲事新相逢行路客半是永嘉人

○西征有寄翁趙徐三友

窮冬逆旅身薄宦此艱辛渡水添愁思看山憶故人烟
生村落晚雨過竹松新昨夜還鄉夢逢君苦未真

○送趙靈秀赴筠州幕子亦將之湖外

郡以竹爲名因知此地清溪來城下綠山到市邊平入

幕非無客能文必有聲江湖共游宦相望若爲情

○湘水

湘水幾千里平流少激湍數家分市井列石起峰巒豈是昔會到猶疑畫上看吟詩身漸老向此作微官

○泊舟呈靈暉

泊舟風又起繫纜野桐林月在楚天碧春來湘水深官貧思近闕地遠動愁心所喜同舟者清羸亦好吟

○古郡

古郡依蠻楚身來作冷官老憐兄弟遠貧喜婦兒安分菊乘春雨移梅待歲寒又傳家信至入夜着燈看

○憑高

憑高散幽策綠草滿春坡楚野無林木湘山似水波客懷隨地改詩思出門多尙有溪西寺斜陽未得過

○送徐照先回江右

骨體先如鶴離家歲已周欲知詩思遠曾共楚鄉游窮達身將老分攜菊正秋江西看舊友歸計少遲留

○別趙黃中

世道難爲友相期一見中但令心事合不在語言同秋早湘烟白舟移蓼岸紅別懷如迥野長與水雲通

○題陳待制湖庄

園無三畝地四面水連天行向樓高處却如身在船野
花春渚外山色海雲邊一任人來往茲懷亦浩然

○晨起

晨起風吹面朝晴野霧收高峯多遠見淺水少平流世
事非難了塵勞獨未休今年看鬢髮已變一莖秋

○自覺

自覺中年後惟能半夕眠寒窓微帶月山郡遠聞泉行
樂人同尙遲回我未然題詩寄朋舊歸日是春邊

○贈李丹士

曾學輕騰術長懷萬里心江湖雲似水巴廣石如林好

飲身常樂無言道更深丹砂能愈疾不用化黃金

○寄陳西老

長日無吟伴閒庭佇物華竹枝斜帶雨草色淨侵沙風
度平生友隣居幾十家前曾乘小醉訪爾一甌茶

○初夏遊謝公巖

欲取紗衣換天晴起細風清陰花落後長日鳥啼中水
國乘舟樂巖扉有徑通州人多到此猶自憶髯公

○喜輿上人至

住與佛居近僧閑稍問詩湖山明月夜風露菊花時達
意言常省微吟步自遲老來朋舊少愛爾得相隨

曉

詩鬢曉星星霜天似水清風當窻眼入冰向硯池生已
瘦梅花影猶乾竹葉聲夜來天地潔惟是月華明

○夏日懷趙靈秀

古郡草爲城懷賢隔此扃水風涼遠樹河影動疎星江
國晴猶潤烟林暮轉青荷鋤曾有約獨喜帶騷經

○夏日湖上訪隱士

煩暑何能避孤舟訪隱人水鄉菱藕熟晴野稻苗新爲
學師前輩談空悟宿身鏡湖三百頃不似此湖濱

○寄趙瑞行

庭深自無暑苔徑復縈紆賓客不長到兒童亦可娛荷
花晴帶粉蒲葉晚凝珠與爾城闌隔茲歡想不殊

○春日游張提舉園池

西野芳菲路春風正可尋山城依曲渚古渡入脩林長
日多飛絮遊人愛綠陰晚來歌吹起惟覺畫堂深

○夏夜同靈暉有作奉寄趙二丈

齋居惟少睡露坐得論文涼夜如秋水明河似白雲宿
禽翻樹覺幽磬度溪聞欲識他鄉思斯時共憶君

○孤坐呈客

晨起猶孤坐鉶泉待煮茶寒烟添竹色疎雪亂梅花獨

喜忘時事誰知改歲華多君能過此人里似仙家

○題石門洞

瀑水東南冠廬山未足論飛來長似雨流處不知源洞裏龍爲宅溪邊石作門脩行謝康樂菴有故基存

○春望

樓上看春晚烟分遠近村曉晴千樹綠新雨半池渾柳密鶯無影泥新燕有痕輕寒衫袖薄杯酒更須溫

○題薛景石瓜廬

近舍新爲圃澆鋤及晚涼因看瓜蔓吐識得道心長隔沼嘉蔬潔侵畦異草香小舟應買在門外是漁鄉

○山居

柳竹藏花塢茅茨接草池開門驚燕子汲水得魚兒地僻春猶靜人閒日更遲山禽啼忽住飛起又相隨

○夏日懷詩友

流水堦除靜孤眠得自由月生林欲曉雨過夜如秋遠憶荷花浦誰吟杜若洲良宵恐無夢有夢卽俱遊

○臘日驪山渡逢故人

天寒多木葉愁思滿溪濱惆悵往來渡經行多少人時情猶重臘歲事每占春與爾他鄉旅誰當懷抱新

○吾廬

蓬戶閉還開深居稱不才移荷憐故土買石帶新苔藥
信仙方服衣從古樣裁本無官可棄何用賦歸來

○登信州靈山閣跨鶴臺

清遊吾有分渾似昔曾來野屋憑高住青山到水回欲
看靈岫遠須待曉雲開漸漸生愁思鄉心上古臺

○題李商叟半村堂

住屋半依村先生氣象尊若非迎好客長是掩柴門覓
句行山影披簑釣月痕固窮年八十惟得令名存

○湘中

舊說湘中事身來又可尋廟存虞帝跡江照楚臣心爲

客人俱遠題名刻自深春迴洲渚綠遙望正沉吟

○書翁卷詩集後

五字極難精知君合有名磨礪雙鬢改收拾一編成泉
落秋巖潔花開野逕清漸多來學者體法似立英

○投周益公

辭相還家後清癯帶少顏易令凡事足難得一身閑長
日惟開卷晴天偶看山只應憂國念到此或相關

○檄途寄翁靈舒

聞道長溪令相留一館閑便令全近舍尚隔幾重山爲
旅春郊外懷人夜雨間年來疏覽鏡怕見減朱顏

大龍湫

瀑水數千尺何曾貼石流還疑衆山拆故使半空浮霧
雨初相亂波濤忽自由道場從建後龍去任人遊

送瑞州張知錄

歲暮不惜別君行是宦遊江西多野水湖上正高秋舊
友曾過處新題必共留官閑可尋訪竹逕最深幽

寄舍弟

寄問安寧弟絃歌又一年流來溪水遠清到縣門前故
里人情樂新居物色鮮宦歸言語款正及早梅邊

登黃碧軒繼趙昌甫作

步陟高高寺徐行不用扶春天晴又雨山色有還無句
向閑中覓茶因醉後呼所懷論未足何乃又征途

送徐侍郎南還

已見皇家日月安更教遠去不辭艱若人豈謂元城在
有客先知御史還風急滿江皆白浪雨收何處不青山
天心正欲扶宗社爲報慈闈得解顏

秋日登玉峯

玉琢孤峯壓富沙人行峯頂步雲霞溪流緩去幾回曲
樹色幽分無數家翠拂寒烟平似水紅飄霜葉遠如花
明朝重向城中望對北孤峯應不差

○ 壬戌二月

山城二月景如何行處時時聽踏歌淡色似黃楊葉小
濃香如蜜菜花多春容每到晴時改天氣偏從雨後和
好向溪頭尋釣侶小溪連夕漲清波

○ 六月歸途

星明殘照數峯晴夜靜惟聞水有聲六月行人須早起
一天涼露濕衣輕宦情每向途中薄詩句多於馬上成
故里諸公應念我稻花香裏計歸程

○ 登滕王閣

重重樓閣倚江干岸草汀烟遠近間春水生時都是水
西山青外別無山雲歸長若真人在風過猶疑帝子還
自古舟船城下泊幾人來此望鄉關

○ 贈趙師秀

薄宦歸來隔幾春清羸還是舊時身養成心性方能靜
化得妻兒不說貧竹長新陰深似洞梅添怪相老於人
亦知曾見高人了近作文章氣力勻

○ 淶波亭寄泊晨起有感

塵埃幾泯寸心清晨起孤吟在水亭晴景淡紅烟景白
近山濃綠遠山青初因薄宦成羈旅忽伴輕鷗落渚汀
安得數年居此地待須長日補騷經

○中秋集鮑樓作

秋在湖樓正可過扁舟窈窕逐菱歌淡雲遮月連天白
遠水生涼入夜多已是高人難會聚矧逢佳節共吟哦
來朝此集喧城市應說風流似永和

○新春書事

出門閑步草萋萋桑柘陰中亦有蹊幾樹晴烟鷺囀早
一塘春水燕飛低空如陶亮官爲令難學巖陵住近溪
聖世幸時沾薄祿不能辛苦又攀躋

○梅

是誰曾種白玻璃夔絕寒荒一點奇不厭龍頭千百樹

最憐窓下兩三枝幽深真似離騷句枯健猶如賈島詩
吟到月斜渾未已蕭蕭鬢影有風吹

○夢成

向晚菱歌起風平水不流鴛鴦兩相逐飛過採蓮舟

○舟過水口作

舟行遙指福城關天宇開時地勢寬二百里溪平似掌
一帆風色到懷安

○湖上曲

拾得染條弄淺波清風吹斷採蓮歌又移小艇前汀去
蓮葉稠時柳影多

○古陵橋

西橋西岸柳成叢
春去春來歲歲同
偶被東風吹落絮
又隨流水過橋東

○過九嶺

斷崖橫路水潺潺
行到山根又上山
眼看別峯雲霧起
不知身也在雲間

○秋行二首

夏夏秋蟬響似箏
聽蟬閑傍柳邊行
小溪清水平如鏡
一葉飛來細浪生

紅葉枯梨一兩株
翛然秋思滿山居
詩懷自歎多塵土

不似秋來木葉疎

○建劔道中

雲麓烟巒知幾層
一灣溪轉一灣清
行人只在清灣裏
盡日松聲雜水聲

○新涼

水滿田疇稻葉齊
日光穿樹曉烟低
黃鶯也愛新涼好
飛過青山影裏啼

○永春路

路行健處山山好
春到晴時物物嘉
秀色連雲原上麥
清香夾道刺桐花

秀峯寺

籃輿晚泊近巖隈精舍門臨古道開僧子相逢便相識
十年三過秀峯來

○連江官湖

衆山圍繞淥團圓官水參差古道邊行盡濃陰今不了
一湖飛雨帶輕烟

東甌言

翁敏之

字功甫樂清人存詩一首

遊雁山寄懷二弟

依棲崇儒里咫尺鳥名山奈以紅塵隔因之舉步艱穿
花曉漏徹何如桑者閑廿載爲形役今得拂衣還自酌
龍湫水照映鬢毛斑山靈應誚我對之發赧顏題彼雙
春令飲啄就清灣

林東愚

平陽人存詩一首

秋興

落日江城動鼓聲故山千里轉逶迤謝安舊宅空陳迹
尼父餘風異昔時苜蓿秋高戎馬健海門日短雁書遲

客窓兀對黃昏坐雲漢悠悠起暮思

何汝樵

爵里無攷
存詩一首

元旦

臘盡寒猶厲春來雪未乾流年憐易失爲客敢求安故
里屠蕪酒新年柏葉盤嗟哉老兄弟誰與共清歡

東甌詩存卷三終

溫州府